



Sindikata radnika trgovine i uslužnih djelatnosti BiH

Obala Kulina Bana 1/2 71000 Sarajevo Bosna i Hercegovina

Tel: +387 33 210 931; Fax: +387 33 443 754; Website: www.stbih.ba

Koncern AGROKOR

n/p gosp. Ante Ramljka, izvanredni povjerenik

Sarajevo, 12.05.2017.

BROJ: 70/17

PREDMET: Molba za reakciju

Poštovani gosp. Ramljak,

Prije svega izvinjavam se jer Vas kontaktiram zbog problema koji je u masi onih kojima se Vi trenutno bavite vjerovatno daleko od prioritnog ali je isti nama u Sindikatu trgovine i uslužnih djelatnosti BiH kao vjerujem i svim radnicima kompanija koje su u sastavu koncerna AGROKOR u BiH itekako prioritet broj 1. Naime, u posljednja dva dana strahovitu paniku među radnicama ali i u javnosti u BiH je izazvala izjava gosp. Avdagića, predsjednika Sindikata PPDIVUT o 400 otkaza koji su već uručeni radnicima KONZUM-a BiH. Vjerujem da ste ovu izjavu već vidjeli jer su istu prenijeli i gotovo svi veći mediji u regiji. Ovo nije prva ovakva izjava gosp. Avdagića. Mi smo sa svoje strane više puta dosada kontaktirali Upravu KONZUM-a BiH kao svoje direktne socijalne partnere i tražili da reaguju što se nažalost nije desilo, pretpostavljam dijelom i zbog uputa koje Uprava ima iz sjedišta kompanije u Zagrebu. Poštujemo i ne ulazimo u Vašu internu politiku niti načine upravljanja ali Vas zaista molim da se konačno reaguje u smislu tačnih podataka o trenutnom broju zaposlenih u kompanijama u koncernu AGROKOR u BiH te barem kratkoročnim planovima u ovom smislu ako je za neke dugoročne prognoze realno previše rano.

Također Vas najljubaznije molim za reakciju kako bi se zaustavila neviđena intriga koju ovaj sindikat plasira u javnost, pominjući čak i „određene ljude u Kompaniji“ kao svoj izvor, a koja je uzrokovana između ostalog i apsolutnim vakuumom koji je napravljen od strane Uprave KONZUM-a BiH. Ja sam od strane gosp. Bagića informisana da ćemo kao sindikat imati informacije o daljim planovima kada se za to steknu uslovi. Međutim, smatram da su svi uslovi za vrlo jasnu i konkretnu informaciju prema medijima ali najprije prema radnicima i nama u STBIH već postavljeni, između ostalog i izjavama koje plasira gosp. Avdagić pozivajući se, ponavljam, i na određene ljude u samom Društvu.

U ime zaista svih radnika i radnica svih kompanija u sastavu koncerna u BiH ali i u regiji, jer već imam upite i od kolega iz susjednih zemalja, još jednom Vas molim za reakciju.

S Poštovanjem,


Mersiha Beširović

Predsjednica

